

卷八

書名 論語十卷 慶長中古活字印本
 撰者 魏 何晏 集解
 卷 卷八
 內容分類 經-四書 論語-三國
 索書號 貴重-27
 編號 A368400

論語學而第一



何晏集解

子曰學而時習之不亦說乎

馬融曰子者男
子之通稱謂孔

子也 王肅曰時者學者以時誦習之
誦習以時學無廢業所以為說釋

有朋自

遠方來不亦樂乎

包氏曰同
門曰朋

人不知而不愠

不亦君子乎

溫怒也凡人有所
不知君子不愠

有子曰

孔安
國曰

有弟而為人也孝弟而好犯上者鮮矣

鮮少
也上

已上者言孝弟之人
好或犯其上者少也

不好犯上而好

彩色首頁1

東洋文化研究所漢籍目錄 編號: A368400
 東洋文化研究所漢籍目錄所藏漢籍善本全文影像資料庫 索書號: 貴重-27
 漢籍善本全文影像資料庫文本論語十卷 慶長中古活字印本
 版權所有: 東京大學 東洋文化研究所
 使用上的注意事項

慈眼刊

正運刊

洛陽要法寺內閣板

論語衛靈公第十五

凡四十九章
今四十一章

何晏集解

衛靈公問陳於孔子

孔安國曰
陳行列之法

孔子對曰

俎豆之事則嘗聞之矣

孔安國曰
俎豆禮器

軍旅之事

未之學也

鄭玄曰萬二千五百人為軍五百人為旅軍旅未事本未立則不可

教以未事明日遂行在陳絕糧從者病莫能興

孔安

國曰從者弟子興起也孔子去衛如曹曹不容又之宋遭匡人之難又之陳會吳伐陳陳亂故子路愠見曰君子亦窮乎子曰君子固

窮小人窮斯濫矣濫溢也君子固亦有窮時但不知小人窮則濫溢為

非子曰賜也女以予為多學而識之者與對

曰然孔安國曰然謂多學而識之非與孔安國曰問今不然曰非也

予一以貫之善有元事有會天下殊塗而同歸百慮而一致知其元則衆善

舉矣故不待多學一以知之子曰由知德者鮮矣王肅曰君子固

窮而子路慍見故謂之少於知德者子曰無為而治者其舜也

與夫何為哉恭已正南面而已矣言任官得其人故無

為子張問行子曰言忠信行篤敬雖蠻貊之

邦行矣言不忠信行不篤敬雖州里行乎哉

鄭玄曰萬二千五百家為州五家為鄰五鄰為里行乎哉言不可行立則見其

參然於前也在輿則見其倚於衡也夫然後

行包氏曰衡扼也言思念忠信立則常想見參然在前在輿則若倚衡扼子張

書諸紳孔安國曰子曰直哉史魚孔安國曰

緇邦有道如矢邦無道如矢孔安國曰有道無道行直如矢

不君子哉。蘧伯玉邦有道則仕，邦無道則可

卷而懷之。包氏曰：卷而懷，謂不與時政柔順，不忤於人。子曰：可與

言而不與言，失人不可與言；而與之言，失言

知者不失人，亦不失言。子曰：志士仁人，無求

生以害仁，有殺身以成仁。孔安國曰：無求生而害仁，死而後成。

仁則志士仁人，不愛其身也。子貢問為仁，子曰：工欲善其

事，必先利其器。居是邦也，事其大夫之賢者，

友其士之仁者。孔安國曰：言工以利器為用人，以賢友為助。顏淵

問為邦，子曰：行夏之時，據見萬物之生，以為四時之始，取其易知。

乘殷之輅，馬融曰：殷車曰大輅。左傳曰：大輅，越席，昭其儉也。服周之

冕。包氏曰：冕，禮冠。周之禮文而備，取其黻纁，塞耳不任視聽。樂則韶舞，韶舜

樂也，盡善盡美，故取之。放鄭聲，遠佞人；鄭聲淫，佞人殆。

孔安國曰：鄭聲，佞人亦俱能感人心，與雅樂賢人同，而使人淫亂危殆，故當放遠之。子

曰：人而無遠慮，必有近憂。子曰：已矣乎！吾未

也。

見好德如好色者也子曰臧文仲其竊位下

與知柳下惠之賢而不與立也孔安國曰柳下惠展禽知

其賢而不舉子曰躬自厚而薄責於人則遠

怨矣孔安國曰自責已厚責人薄所以遠怨咎子曰不曰如之何

也孔安國曰不曰如之何者猶不曰奈是何如之何者吾未如之何

也孔安國曰如之何者言禍難已成吾亦無如之何子曰羣居

終日言不及義好行小慧難矣哉鄭玄曰小小慧謂小小

馬不能調良則借人使習之孔子自謂及見其人如此至今無有矣言此者以俗多穿鑿

子曰巧言亂德小不忍亂大謀孔安國曰巧言利口則亂

德義小不忍則亂大謀子曰衆惡之必察焉衆好之必

察焉王肅曰或衆阿黨比周或其人特立不羣故好惡不可不察也子曰人

能弘道非道弘人也王肅曰才大者道隨大才小者道隨小故不能

弘子曰過而不改是謂過矣子曰吾嘗終日

不食終夜不寢以思無益不如學也子曰君

子謀道不謀食耕也餒在其中矣學也祿在

其中矣君子憂道不憂貧鄭玄曰餒餓也言雖念耕而不學故

飢餓學則得祿雖不耕而不飢勸人學子曰知及之仁不能守

之雖得之必失之包氏曰知能及治其官而仁不能守雖得之必失之

知及之仁能守之不莊以蒞之則民不敬包氏

曰不嚴以臨之則民不敬從其上知及之仁能守之莊以蒞

之動之不以禮未善也王肅曰動必以禮然後善子曰君

子不可小知而可大受也小人不可大受而

可小知也君子之道深遠不可以小了知而可大受小人之道淺近可以小了

知而不可大受也子曰民之於仁也甚於水火馬融曰水

火與仁皆民所仰而生者仁最為甚水火吾見蹈而死者矣未

見蹈仁而死者也馬融曰蹈水火或時殺人蹈仁未嘗殺人子曰

當仁不讓於師孔安國曰當行仁之事不復讓於師行仁之急子曰

君子貞而不諒孔安國曰貞正諒信也君子之人正其道耳言不必小信

子曰事君敬其事而後其食

孔安國曰先盡力然後食祿

子曰有教無類

馬融曰言人在見教無有種類

子曰道不同

不相為謀子曰辭達而已矣

凡事莫過於實足辭達則足矣

不煩文

師冕見

孔安國曰師樂人盲者名冕

及階子曰階

也及席子曰席也皆坐子告之曰某在斯某

在斯

孔安國曰歷告以坐中人姓字及所在處

師冕出子張問曰

與師言之道與子曰然固相師之道也

馬融曰相

也

論語季氏第十六

凡十四章

何晏集解

季氏將伐顓臾冉有季路見於孔子曰季氏

將有事於顓臾

孔安國曰顓臾伏羲之後風姓之國本魯之附庸當時臣

屬魯季氏貪其地欲滅而有之冉有與季路為季氏臣來告孔子

孔子曰求

無乃爾是過與

孔安國曰冉求為季氏宰相其室而為之聚斂故孔子獨

求

夫顓臾昔者先王以為東蒙主

孔安國曰使主

祭蒙 且在邦域之中矣 孔安國曰魯七百里有之邦顯史為附庸在

其域 是社稷之臣也何以為伐 孔安國曰已屬魯為社稷

之臣何用 冉有曰夫子欲之吾二臣者皆不

欲也 孔安國曰歸 孔子曰求周任有言曰陳

力就列不能者止 馬融曰周任古之良史言當陳才力度已所任以就

其位不能當止 危而不持顛而不扶則將焉用彼相

矣 包氏曰言輔相人者當能持危扶顛若不能何用相為 且爾言過矣

虎兕出於柙龜玉毀於櫝中是誰之過與 馬融

曰柙檻也櫝匱也 冉有曰今夫顯史固而近

於費 馬融曰固謂城郭完堅兵甲利也費季氏邑 今不取後世必

為子孫憂孔子曰求君子疾夫 孔安國曰疾如汝之言

舍曰欲之而必更為之辭 孔安國曰舍其貪利之說而更作他

辭是所 丘也聞有國有家者不患寡而患不

均 孔安國曰國諸侯家卿大夫不患土不患地人民之寡少患政治之不均平 不患

貧而患不安

孔安國曰憂不能安民耳民安則國富

蓋均無貧

和無寡安無傾

包氏曰政教均平則不貧矣上下和同不患寡矣小大安

寧不傾危矣

夫如是故遠人不服則修文德以來

之既來之則安之今由與求也相夫子遠人

不服而不能來也邦分崩離析而不能守也

孔安國曰民有異心曰分欲去曰崩不可會聚曰離析

而謀動干戈於

邦內

孔安國曰干楮也戈戟也

吾恐季孫之憂不在於顯

吏而在蕭牆之內也

鄭玄曰蕭之言肅也蕭牆謂屏也君臣相見之

禮至屏而加肅敬焉是以謂之蕭牆後季氏家臣陽虎果囚季桓子

孔子曰天

下有道則禮樂征伐自天子出天下無道則

禮樂征伐自諸侯出自諸侯出蓋十世希不

失矣

孔安國曰希少也周幽王為犬戎所殺平王東遷周始微弱諸侯自作禮樂專

征伐始於隱公至昭公十世失政死於乾侯

自大夫出五世希不

失矣

孔安國曰季文子初得政至桓子五世為家臣陽虎所囚

陪臣執國

命三世希不失矣

馬融曰陪重也謂家臣陽虎為季氏家臣至虎三世

而出

天下有道則政不在大夫

孔安國曰天制之由君

下有道則庶人不議

孔安國曰無所非議

孔子曰祿之

去公室五世矣

鄭玄曰言此之時魯定公之初魯自東門襄仲殺文公之

子赤而立宣公於是政在大夫爵祿不從君出至定公為五世矣

政逮於大

夫四世矣

鄭玄曰文子武子悼子平子

故夫三桓之子孫

微矣

孔安國曰三桓謂仲孫叔孫季孫三卿皆出桓公故曰三桓也仲孫氏改其氏

緇孟氏至哀公皆衰

孔子曰益者三友損者三友友直

友諒友多聞益矣友便辟

馬融曰便巧辟人之所忌以求容媚

友善柔

馬融曰面柔也

友便佞損矣

鄭玄曰便辨也謂佞而辨孔

子曰益者三樂損者三樂樂節禮樂

動靜得禮樂之

節樂道人之善樂多賢友益矣樂驕樂

孔安國曰

恃尊貴

樂佚遊

王肅曰佚遊出入不節

樂宴樂損矣

孔安

國曰宴樂沈荒淫瀆三者自損之道

孔子曰侍於君子有三愆

孔安國曰言未及之而言謂之躁鄭玄曰躁不安靜

言及之而不言謂之隱孔安國曰隱匿不盡情實未見顏

色而言謂之瞽周生烈曰未見君子顏色所趣嚮而便逆先意語者猶瞽

者孔子曰君子有三戒少之時血氣未定戒

之在色及其壯也血氣方剛戒之在鬪及其

老也血氣既衰戒之在得孔安國曰得貪得孔子曰

君子有三畏畏天命順吉逆凶天之命也畏大人大人即聖

人與天地合其德者畏聖人之言深遠不可易則小人

不知天命而不畏也校疏故狎大人直而不肆故狎

之侮聖人之言不可小知故侮之孔子曰生而知之

者上也學而知之者次也困而學之又其次

也孔安國曰困謂有所不通困而不學民斯為下矣孔子

曰君子有九思視思明聽思聰色思溫貌思

恭言思忠事思敬疑思問忿思難見得思義

孔子曰見善如不及見不善如探湯吾見其

人矣吾聞其語矣孔安國曰探湯喻去惡疾隱居以求其

志行義以達其道吾聞其語矣未見其人也

齊景公有馬千駟死之日民無得而稱焉孔安

國曰千駟伯夷叔齊餓于首陽之下馬融曰首陽山

在河東蒲坂華山之北河曲之中民到于今稱之其斯之謂

與王肅曰此所謂以德為稱者陳亢問於伯魚曰子亦有

異聞乎馬融曰以為伯魚孔子之子所聞當有異對曰未也嘗獨

立孔安國曰獨立謂孔子鯉趨而過庭曰學詩乎對曰

未也曰不學詩無以言鯉退而學詩他日又

獨立鯉趨而過庭曰學禮乎對曰未也不學

禮無以立鯉退而學禮聞斯二矣陳亢退而

喜曰問一得三聞詩聞禮又聞君子之遠其

子也邦君之妻君稱之曰夫人夫人自稱曰

小童邦人稱之曰君夫人稱諸異邦曰寡小

君異邦人稱之亦曰君夫人孔安國曰小君君夫人之稱對

異邦謙故曰寡小君當此之時諸侯嫡妾不正稱號不審故孔子正言其禮也

論語卷第八 經一千七百九十四字 註一千八百二十七字

論語陽貨第十七 凡二十四章 何晏集解

陽貨欲見孔子孔子不見 孔安國曰陽貨陽虎也季氏家臣而

專魯國之政欲見孔子使仕 歸孔子豚 孔安國曰欲使往謝故遺孔子豚

孔子時其亡也而往拜之遇諸塗 孔安國曰塗道也於

道路與相逢 謂孔子曰來予與爾言曰懷其寶而

迷其邦可謂仁乎曰不可 馬融曰言孔子不仕是懷寶也知國

不治而不為政是也邦也 好從事而亟失時可謂知乎曰